



Universitätsbibliothek Paderborn

De Cultu Sacrosancti Cordis Dei Ac Domini Nostri Jesu Christi

Galliffet, Joseph de

Romae, M.DCCXXVI.

Epistola Celsissimi Episcopi Cracoviensis, Ducis Severiæ ad Summum Pontificem Benedictum XIII.

[urn:nbn:de:hbz:466:1-45817](#)

E P I S T O L A

Celsissimi Episcopi Cracoviensis, DUCIS SEVERIAE, ad
Summum Pontificem BENEDICTUM XIII.

*Sanctissimo Patri ac Domino Domino BENEDICTO
divina Providentia PAPAE XIII. sacrosancte
ac Universalis Ecclesiae Pontifici Maximo Domino
Clementissimo.*

BEATISSIME PATER,

AD osculum pedum SANCTITATIS VESTRAE humillime provolutus, supplices in conspectu ejus cum Filiali reverentia effundo preces, pro gratia ejusmodi. Quod cum constans devotione Fidelium erga sacratissimum COR JESU CHRISTI etiam in Regno Poloniae viget, ardent quoquepiarum animarum corda ut Regia amoris divini COR istud sanctissimum majori in dies colatur devotione, ac honore. Cujus quidem propagandi cultus singulari fervent desiderio religiosa pectora Monialium instituti Visitationis Beatæ Mariae Virginis, quarum pietatis zelus omnium accendit animos. Unicum optant animæ Deo sacratae, ut has piorum desideriorum sanctiores flamas SANCTITAS VESTRA Paterna admissione dignetur. Fovebit autem & magis excitabit, si ex sua Pastorali benignitate, & Apo-

sto-

stolicæ Potestatis plenitudine, ad vota expectantis populi FESTUM SANCTISSIMI CORDIS JESU, cum officio proprio, & Missa, pro universalis Ecclesia instituere decreverit. Quam gratiam Cordi divino sine dubio acceptissimam, quum a SANCTITATIS VESTRÆ clementia, supplicibus imploro votis, pro longæva in columitate SANCTITATIS VESTRÆ, ejusque felicissimo regimine divinam Majestatem exoro SANCTITATIS VESTRÆ obedientissimus exorator & humillimus servus,

CONSTANTINUS SZANIAVSKI.

Cracoviæ. 6. Maii 1726.

E P I S T O L A

Serenissimi Regis Poloniae ad Summum Pontificem
BENEDICTUM XIII.

*Sanctissimo ac Beatissimo in Christo Patri ac Domino
Domino BENEDICTO divina Providentia Pa-
pe ejus Nominis XIII. Sacrosanctæ Romane ac
Universalis Ecclesiæ Pontifici Maximo Domino
Clementissimo.*

SANCTISSIME, ac BEATISSIME in
Christo PATER Domine Domine Clementissime.

Proptera oscula beatorum pedum SANCTITATIS VESTRÆ, mei, Regnique ac dominiorum

Vv 2 meo-